

娛

親

雅

言

娛親雅言卷六

歸安嚴元照

釋詁奕大也元照案詩

周頌噫嘻

亦服爾耕箋訓大山井

鼎攷文云古本作奕又

年豐

亦有高廩箋又訓大攷

文云謹案古本噫嘻篇亦作奕此篇作亦似相通

臧在東云攷文所載宋元明刻本可信所言古本皆不足信鏞堂斷其作偽欺人九能當久而自信

也

錢先生云

鄙意與在東同元照案外傳

周語

奕世載德漢中

常侍樊安碑北軍中候郭仲奇碑執金吾武榮碑皆作亦世載德又李翕西狹頌亦世賴福荊州刺

史度尙碑亦世掌位太尉楊震碑亦世繼明而出

郭輔碑銘休矣亦世

皆見隸釋

是亦奕通用之徵故噫

嘻正義云亦大釋詁文然釋文於爾雅不云有作亦者

究謀也元照案詩

小雅小弁

不舒究之箋訓謀又

大雅皇矣

爰

究爰度傳訓謀當取以證此邵氏

晉涵

正義引棠

棣是究是圖彼傳箋皆訓究爲深不協斯義

那於也郭注引左傳弃甲則那段先生

玉裁

云外傳

越語下

吳人之那不穀亦又甚焉韋注那於也引此

更合

鍾山札記云釋詁合朕賚畀卜陽予也合朕陽爲予

我之予羊汝切賚畀卜爲賜予之予羊汝切而合爲一條者古人之於音訓並不因音讀而區別也

札記文煩元照案顧氏音論有兩聲各義之說不節錄於此

盡然一條可與此論互相發明然篇中如此類者不止於是允孚直展謚誠亮詢信也乃忠信之信

而展之訓信又爲屈信之信

釋言展適也注得自申展方言七展信

也注信亦誠信貌戴氏疏證云信兼屈信誠信兩義故注言亦以別李善注長楊賦引方言展申也

此即犯奢果毅剋捷功肩戡勝也犯奢剋捷功乃勝

負之勝果毅肩戡為勝任之勝載謨食詐譌也載

謨乃作為之為為偽古通食詐乃虛偽之偽注云載者言而不信

謨者謀而不忠此無稽之言也大禹皋陶之謨可云不忠乎昌敵彊應丁當也

敵彊應丁乃當值之當平聲而昌之訓當乃讀去

聲注引書禹拜昌言案孔傳昌當也釋文音丁浪反歷秭算數也此數術

之數而筭之訓數則又為選數之數論語斗筭之人何足筭也

鄭注筭數也釋文數色主反艾歷覬胥相也相讀平聲而胥之

訓相又有相助相視之義詩于胥斯原傳訓相釋文音息亮反又聿來胥

字新序雜事篇作相字

方言六胥由輔也

此音義皆殊而并訓者話

猷載行訛言也話猷載行乃好言訛乃莠言棲遲

慙休苦歛隸咽息也棲遲慙休苦乃止息之息歛

隸咽乃氣息之息此音同義異而并訓者古人義

訓尙簡而通唯漢儒尙知其意六朝以降厥義久

晦戴東原疑台朕一條有誤其於讀雅殆猶未甚

熟邪○陸氏

佃

爾雅新義

此書向少傳本茲從丁小雅教授借鈔

於

昌敵彊應丁當也下注云當一名而兩讀是昔人

已有見及此者矣

迪進也又迪道也正義皆引皋陶謨允迪厥德桑柔

詩弗求弗迪爲證元照案說文彳部迪道也又彳

部袖行袖袖也則是訓道者當从彳訓進者當从

彳廣韵

一十  
三錫

於迪字下云進也道也蹈也於袖字

下只引說文不引爾雅是二字之淆久矣古書从

彳从彳之字徃徃通用袖之作迪不可謂誤然正

體與借用自當分別又案篇中迪作也迪亦當从

彳

玉篇彳部無迪字乃傳寫脫落其云袖  
與宙同則非也說文宀部自有宙字

助勵也陸氏新義作勵元照案說文玉篇皆無勵字

唯廣韵

九御

有之云助也說文玉篇唯有勸字皆訓

助廣韵云勸助也導也

勸勸同紐

爾雅釋文石經皆作

勸當以新義本爲正說文

力部

云勸从力从非慮聲

錢先生云勸作勸隸書省筆耳

玉篇別有勸字亦訓助力御力胡

兩音此又勸之誤體

疇誰也注云易曰疇離祉元照案此當引尙書疇若

予工疇若予上下艸木鳥獸之文而不當引易九

家注云疇者類也乃九疇之疇與誰義迥別且字

亦不同說文田部畎字乃訓類疇離祉與九疇皆



當作𠂔口部𠂔字訓誰又白部𠂔字云詞也引虞

書帝曰𠂔咨三字各異田旁著壽乃𠂔字隸變後

人并以代𠂔𠂔二文而三字並廢

王氏尙書後案有說

○爾

雅與說文原不盡合說文

部系

以𠂔爲古續字而爾

雅則云𠂔揚續也嵩字說文所無据國語注知古

通用崇字而爾雅則云嵩崇高也据說文則尙書

疇咨之疇乃白部之𠂔爲語助詞疇若之疇乃口

部之𠂔迥乎不同然史記

五帝本紀

於疇咨疇若已皆

作誰則爾雅疇字亦難定是口部之𠂔矣特郭注

引易爲證終無當經旨耳

許周生云宗彥案說文古文家之學爾雅今文

家之學互有短長不合處極多不可輕據說文以改爾雅矣又云鏞堂案周生說也是也許書本古文而兼具今文家學如五經異詁之古文今文並載可證也鏞堂向謂爾雅是魯詩今周生云今文我二人之言互相印合乃如是

韋美也釋文从示音於宜反元照案說文示部無从

韋之字當从衣音輝東京賦漢帝之德侯其韋而

薛綜注韋美也

邵氏正義引文从示誤

此漢人用雅訓可爲

周禮韋衣鄭司農以爲畫衣亦美意也陸氏新義

云韋其服之美是陸本不誤廣韵亦無韋字玉篇

示部有之云美兒又歎辭邢疏云歎美辭誤合兩訓而一之元照

案釋慧苑華嚴經音義二云猗字又作猗郭注爾

雅猗謂佳麗輕美之貌係釋訓篇注古以猗為歎辭猗

亦作猗則訓歎辭者亦當从衣○又案猗與委通

釋訓云委委佗佗美也釋文云諸儒本竝作猗據

嚴音義所引郭注則舍人云猗猗心之美引詩猗

猗它它又案毛詩委蛇字韓詩佗猗隋漢衛尉衡

方碑猗隋在公用韓詩○又案猗之訓美自舍人

引詩之外餘無所見反復攷之知猗即徽字詩小雅

角引君子有徽猷傳曰美也又大雅思齊太姒嗣徽音箋

曰美也正用此訓正義不知釋微通釋詁微訓善

禕訓美美善義同堯典慎徽五典馬融訓善王肅

訓美皆本釋詁文也禮記大殊微號注微或作禕

釋文从衣釋器婦人之幃謂之禕釋文云本或作

音許韋反禕又作徽思元賦揚襍錯之袿徽李善章懷兩注

皆引釋器皆作徽離騷忽緯繡其難遷馬此禕微

通用之徵益知禕字之必不从示矣臧在東云爾

毛詩尚書皆古文也故文異能如此輟轉證明詩

養原案爾雅乃兼采古今文之說非專用今文也  
或謂古文興於河間獻王及魯共王爾雅爲叔孫  
通所補安得有古文曰當周秦之閒古文之學獨  
盛於秦荀卿毛詩之祖也而遊秦矣張蒼左氏春  
秋之祖也而爲秦御史矣通爲博士與蒼同時稍  
在荀卿後二家之學通豈不與聞乎毛公故訓與  
爾雅合者十之八九此爾雅爲古文之一證也漢  
書藝文志云古文讀應爾雅後漢書賈逵傳逵數  
爲帝言古文尙書與經傳爾雅訓詁相應此爾雅  
爲古文之又一證也質之在東以爲然否在東  
云鏞堂案徐君說是也爾雅一經兼具古今文之  
學特漢世傳爾雅如李巡樊光輩皆今文家耳  
屢疾也元照案公羊莊廿四年傳夫人不僂不可使入何

邵公云僂疾也齊人語荀子儒雖有聖人未能僂  
指也又賣之未可僂售也楊倞注皆訓疾卽此義

又案屢說文尸部新附字當作婁

簞勤也注未詳釋文云本又作彗同元照案說文

部

彗埽竹也从彳持𠂔或从竹作彗古文作𦏧从習

者習有勤義洒埽之事宜勤故从勤訓彗也

孫監察云

志祖案陸農師新義云彗灑埽之勤

邵氏正義云彗當作𦏧泰卦初

六以其彙釋文云古文彙作𦏧鄭注勤也元照案

謂與彙通

釋木樸枹者謂釋文云舍人本釋彙

𦏧是謂之異文如邵

說則謂彗二字幾無別矣

謂彗同訓

且從本字可得其

義勿勞破讀

訖微安懷安按替戾底底

俗本作廢茲從釋文石經正

尼定曷遏

止也注云微未詳元照案微之訓止於經傳無徵

然與安安同訓其義猶可尋繹得之堯典慎徽史

記

五帝本紀

作慎和是微有和義也懷安二字亦可訓

和

國語懷和爲每懷詩傳懷和也

微與懷安可同訓和故亦可同

訓止也又廣雅

釋詁一

尼集息等字皆同訓安尼之

訓止已見於此而集息二字與止義亦相近止从

示旁則爲祉又有安福之義焉又案釋詁絺與微

同訓善而說文廣雅

釋詁三

絺又訓止絺微可同訓

善故又可同訓止也凡故訓之難了者苟能旁通曲證未嘗不可得其解若專泥一字有不能強爲之說者矣或曰徽當作徵亦可備一說見錢先生

大昕  
荅問

嗟咨嗟也元照案說文

口部

謀事曰咨尙書咨四嶽咨

禹類皆謀事之辭非泛爲嗟歎也與此咨字不同

此咨字當作噉說文

口部

噉嗟也嗟噉連文詩唐風

子兮子兮傳曰子兮嗟茲也正用雅訓茲卽噉之

省文

許周生云殊未然下民其咨作何解又云宗彥案嗟咨又通作嫺訾十二次名取此故



爾雅以為嫵訾之口營室東壁也孫叔然云嫵訾之歎則口開方營室東壁四方如口故因名云訾通於吝猶吝通於嗟茲謂亦作噉則可謂當作噉則誤徐新田云養原之意以九能為是安知下民其吝不本作噉乎謂噉通作吝則可謂噉亦作吝則反以噉為假借字殆不可

副審也元照案副當讀逼說文刀訓副為判與剖辨

等字同訓判又訓分周禮春官大司徒禮記曲禮注竝

訓副為析梁曜北云生民分析剖判諸義皆與審

義相符審之正文為采从采在采部與采字別說文采辨

別也从采取其分別物也說文釋字注云然采之从采義亦當同取

以證此訓甚合注以副長解之取義似迂

侯乃也注未詳元照案詩

大雅大明

維予侯興箋云天乃

與諸侯有德者以侯爲諸侯愚意不若讀予爲予

我之子

從毛傳

而訓侯爲乃似安

孫監察云志祖案翟晴江爾雅補郭

於此條亦引大明詩爲證并引蕩詩之侯作侯祝元照案蕩箋皆訓維

○正義引侯

栗侯梅元照案侯栗侯梅侯薪侯蒸箋皆訓維侯

主侯伯侯亞侯旅侯彊侯以孔疏亦訓維篇中尙

有伊維侯也一訓不可牽合

趙雲門云春沂案下云維侯也維與乃訓

亦相近廣雅釋言仍再也而魚麗四章五章六章鄭箋俱以又字釋維字與仍再義通則與乃字義

亦通侯維乃三字訓皆同

胥皆也元照案詩

小雅桑扈

君子樂胥又

角弓

民胥然矣民

胥倣矣傳俱訓皆又

大雅抑

無淪胥以亾又

韓奕侯氏

燕胥又

魯頌有駟

于胥樂兮箋俱訓皆正義不引詩而

引盤庚不能胥匡以生据書傳訓相與此義異

艾厯覩胥相也注艾厯未詳元照案上云艾厯也又

云厯傳也此與上文遞承而下亦取轉相訓也相

乃輔相之相郭與艾厯注云長者多更厯於厯傳

注云傳近皆未尋繹上下文義而望文爲說者也

詩

周頌訪落

朕未有艾言未有輔相我者卽莫予荇蜂

之意鄭箋訓艾爲數雖亦取雅訓似失其旨

邶風谷風傳育稚也正義云育得兩訓故釋言爲稚

釋詁爲長豳風鴉鴉傳鬻稚也正義云釋言云鞠

稚也郭璞曰鞠一作毓

邵氏正義以此爲郭氏音義之文

是鬻爲

稚也元照案釋詁育養也方言一作鞠鄭注尙書

盤庚

毛詩傳

小雅蓼莪

皆云鞠養也釋言穀鞠生也

蓼莪

民莫不穀箋訓養

毛詩箋

衛風有狐

云育長生也禮記

中庸

注育

生也皆用雅訓鞠育通用義亦相近案說文

七部育

或作毓其作鬻者假借也廣雅

釋言

毓長也稚也○

又案篇中育艾長也艾育養也亦同此義

釋詁篇首訓始篇末訓歿兩端具矣篇內次第亦各以義類相從釋言篇有一字兼兩義者則寔置一所基經基設之類是也有字異而義同者則寔置一所蠲明茅明之類是也有義訓遞嬗而下者寔置一所速徵徵召之類是也或字義皆異而音同者寔置一所挾藏浹徹之類是也次序皆有深義蓋非適然臧在東云聰明絕世而以虛心涵泳得之古今來讀爾雅者有如此明通否而中間不無小有舛錯者亦非必摩滅失次古人

行文錯綜變化正以見嚴密之中又未嘗拘謹也  
釋名釋言語篇其字義必反復相對秩然不紊似  
亦深悉此悒顧作意整比無復古人自然之致又  
其書訓釋一切皆取聲相近者誠最近古然古人  
字義非必槩從聲出釋名一準此例亦時有穿鑿  
之病是殆好古而固者也漢儒如許鄭之宏通遠  
勝於劉熙矣臧在東云竟能直攻劉成國之失鏞  
堂亦以蓄疑每對舍弟言之它人橫  
議釋名未及見到此也徐新田云養原案釋名  
自是詁訓之一法非謂古人字義必盡如此也漢  
儒詁訓類釋名者甚多僕欲  
輯爲一書以補成國之闕

古人故訓有一訓而兼兩義者其義或相近或較然

不同祇以字之形聲假借其義更可通貫茲摘釋

言篇以見例如律逌述也釋詁以循訓逌說文以

循訓述鄭氏注周禮

春官典同

云律述氣者也注禮記

中庸

云律述也其義如此而律逌述三字與聿曰二

字互相通借

邵氏正義詳之

是又皆爲語助詞矣又疾齊

壯也齊壯皆從本讀故注云壯壯士謂速也齊亦

疾此一義也而毛詩傳

思齊

禮記注

內則

皆云齊莊也

詩正義云齊莊釋言文此又一義也又猷圖也釋

詁云圖猷謀也圖爲圖維之義而詩

周頌

允猶翕

河箋云猶圖也信按山川之圖而次序祭之是以

爲圖畫又一義也又眡重也左傳

隱三年

憾而能眡

杜預解爲安重郭云厚重亦本左傳而韓詩

大雅雲漢

胡盜疹我以旱云疹重也則爲加重之義又一義

也又戎相也釋文云相如字又息亮反具二音明

兼二義矣又窈閒也郭云窈窕閒隙是讀閒爲去

聲舍人本作跳云跳者躍之閒

釋文

是讀爲平聲與

郭義異毛詩傳以幽閒訓窈窕

此皆用釋言文釋言冥窈也故訓窈



爲則爲閒都之義臧在東云攷又一義矣又苛姸幽及此眞細心

也說文訓姸爲妬故郭云煩苛者多嫉姸又與齟

通方言二齟苛怒也臧在東云案而禮記內注云

苛疥也則爲疥癬之疥是又一義也凡若此類以

五經注疏攷之尙難枚舉故訓展轉通貫所謂言

非一端而已循是而求之乃可得故訓之原委後

世義有虛實之分音有動靜之別析之彌煩則失

之彌遠而古人并訓通訓之法乃矇然不省矣臧在

東云此條甚好徐新田云養原案此與上一條俱有功於爾雅推而廣之別成爾雅釋例一書亦

不朽之業須將樊孫諸家訓說參攷乃得其條貫

釋言宣徧也元照案外傳周語中宣所以教施也又教

施而宣則徧又施徧而民阜以證雅訓莫此為古

詩大雅文王宣昭義問又篤公劉既順迺宣傳又桑秉心

宣猶又江漢來旬來宣又周頌宣哲維人箋皆訓徧

外傳周語下宣養六氣九德又宣布哲人令德又魯語

下宣序民事韋注皆訓徧

侈恃也元照案侈當从土旁說文土部侈恃也从土多

聲乃本此訓今侈字久廢不見於經典

競逐彊也注云皆自勉彊元照案漢儒皆作彊盛解

詩

大雅桑柔

秉心維競傳云競彊箋云其執心不彊於

善又職競用力箋云競逐也正義云釋言云競逐

強也俱訓爲強故競得爲逐逐用強力相尙者又

大雅

抑

周頌

烈

無競維人之文兩見抑箋云競彊

也人君爲政無彊於得賢人烈文傳云競彊箋云

無彊乎維得賢人也得賢人則國家彊矣又周頌

執競

兩見無競維烈之文執競箋云競彊也能持

彊道者維有武王耳不彊乎其克商之功業言其

彊也武箋云無彊乎其克商之功業言其彊也呂

覽求人引抑詩高誘注無競競也國之強惟在得人

郭注不合於古

臧在東云郭注似亦得備一義趙雱門云春沂案邢疏引大雅無

競維人又云馳逐者亦強梁也知邢意不作勉強解

○左宣十二年傳隨武

子引無競維烈杜預云言武王兼弱取昧故成無

彊之業昭元年傳詩曰無競維人杜云言維得人

則國家彊

蔓隱也懷吧也元照案方言

六

掩蔽蔓也郭注云謂

蔽蔓也引詩蔓而不見與此篇蔓隱之義相符然

說文艸部無夔字据義則當从竹作夔或从人作  
僂說文竹部夔蔽不見也人部僂仿佛也引詩僂  
而不見夔夔兩義相近从竹从艸偏旁小異耳至  
訓喈者字當作夔文部夔行兒从夂恣聲詩如彼  
遡風亦孔之僂言喈風而行向前也恣本憐恣字  
經典相承以夔代恣而夔之本義晦矣

肇敏也注云肇牽車牛爲證元照案所引未當釋詁  
訓肇爲始爲謀此又訓敏殆釋詩大雅肇敏戎功  
江漢肇敏戎功  
之文也詩云肇敏此卽訓肇爲敏猶詩云戴弁俅

休爾雅卽訓休爲戴書云謀及乃心爾雅卽訓謀

爲心詩云振古爾雅卽訓振爲古皆釋言文與此一例

又釋訓自昀昀田也至穰穰福也十四句皆此例

古人故訓展轉通貫是在學者善會晉唐以還義

例嚴密而不通貫如茲所舉者亦且不能了然矣

臧在東云鏞堂案此說極精眞發前人所未發鏞

堂謂兆域也兆本作肇卽釋元鳥詩肇域彼四海

與九能所言○又案詩北山我從事獨賢傳賢勞

也此用孟子我獨賢勞之義而以勞訓賢亦此例

也戴氏震

毛鄭詩攷正云孟子增成勞字明此詩

之志以勞不得養父母而爲此言非以勞釋賢戴氏此辯似是而未精

猷圖也注云周官曰以猷鬼神示謂圖畫正義云釋

詁云圖猷謀也此又申釋之也元照案圖卽圖維

之圖正義是也然爾雅多有一訓兼兩義者則以

爲圖畫未爲不可攷毛詩傳箋用此訓凡六見雅小

小旻不我告猶箋白華之子不猶箋大雅板猶之

未遠傳抑遠猶反告箋周頌訪落繼猶判渙箋般

允猶翁唯允猶箋翁河箋翁猶圖也信按山川之圖而次序祭之郭旣以圖爲圖畫當引此詩不當引

周官案春官凡以神仕者掌三辰之法以猶鬼神示之居注云謂布祭眾寡與其居句序官疏云掌三辰之灋當處置神之位次處置卽圖字之義鄭固未嘗以爲圖畫也

坎律銓也注云易坎卦主法元照案太元元云一六數

爲水類爲法虞翻易取象坎爲法蒙卦初六發蒙利用刑人干寶注坎爲法律虞氏傳荀爽學干氏傳京房學此漢經師緒論郭氏之所本也

坎律銓也樊光注坎卦水也水性平律亦平銓亦平



也郭注易坎卦主法法律皆所以銓量輕重元照

案坎為水水準也準平也皆見說文鴈部灋荆也平

之如水又水部灋議皐也从水獻與灋同意灋俗書从言

灋灋二文皆从水取義可證明爾雅以銓訓坎之

旨臧在東云此條合之阮案伯說可證一訓有兩義徐新田云養原案此條與阮宗伯說恐不

能兩全因坎與吹無相通之理也宋德輝云咸熙案此條確極若以坎為吹之誤字案之古注究

屬未安

寃肆也又寃閒也此一字而兩訓也釋文皆作寃唐

石經於寃肆字从宀作寃左相廿六年傳楚師輕寃釋文从宀石經从宀

臧在東云宋

抄釋文从山

元照案此唐人俗體唐時穴山手

木示衣等偏旁每多溷淆不足深据說文玉篇山

部皆無𡗗字廣韻

二十九篠

亦但有𡗗字

羣經音辨三穴部𡗗輕忽

引楚師輕𡗗

如左傳爾雅果有𡗗字則雖不載於說文

必見於玉篇廣韻矣集韻分𡗗𡗗爲二𡗗徒了切

引說文深肆極也一曰閑也𡗗土了切引爾雅肆

也

類篇七中山部同

其分析乃爲石經所誤說文訓𡗗爲

深肆極也爾雅訓𡗗爲肆正相符合安得別有从

山之𡗗字乎五經文字山部亦無

孔戶部繼涵五經文字跋据石

經而義參形源非也  
曰釋言云窈肆也郭璞曰輕窈者好放肆集韻類  
篇北宋時書當有所本而顯列爲二字玉篇廣韻  
則每爲後人竄改此窈字與詩正義合自足爲證  
如麻字今本說文脫而詩正義引之玉篇廣韻亦無也

賦量也注云賦稅所以評量元照案外傳

魯語下

賦里

以入而量其有無郭注得之

郵過也注云道路所經過日知錄

廿七

云古人郵尤通

用郵是過失之義引詩禮國語漢書家語以爲之

證許周生云殷敬順列子釋文引此文作尤

楊文朱

選注

弔屈原文

引舍人注尤怨人也則顧說當矣元照

案尤又通訖詩

邶風綠衣

俾無訖兮傳訖過也釋文云

本或作尤又

邶風載馳

許人尤之傳尤過也釋文云本

亦作訖又無我有尤箋云無過我也又

小雅四月

莫知

其尤箋尤過也又

賓之初筵

不知其郵箋郵過正義殆

以不合於郭注故不云釋言文

訖言也注云相問訖元照案說文

言部

訖問也詩

大雅皇矣

執訖連連箋云訖言問執所生得者而言問之又

小雅采芑

執訖獲醜箋云執其可言問周官大祝云言

甸人先鄭云大祝主言問其具梯物是言問連文

廣雅

釋詁二

言問也可證爾雅說文兩義具同郭以

問訓言得之

釋訓諸諸便便辯也注云皆言辭辯給元照案辯之

从言不當从刀說文

辯部

辯治也从言在辯之間又

刀辨別也从刀辨聲二字不同諸辯皆从言故以

為訓說文諸辯也便與諛通說文諛便巧言也引

論語友諛佞今論語作便佞鄭注便辯也又便便

言亦見論語

鄉黨

便之訓辯義亦屬於言也邵氏正

義漫以為辨別之辨其引證大都取惠氏尚書古

義之說竊謂辯治辨別二義雖不甚懸亦可參互然宜先定正訓而後及旁通之義也

𢇛𢇛𢇛也釋文石經𢇛从氏近本从氏元照案說文

心部𢇛𢇛

近本誤𢇛

也从心氏聲無𢇛字玉篇𢇛𢇛並列

𢇛訓𢇛訓敬與雅訓合𢇛訓𢇛都替切分別音義

較然不同近姜氏

兆錫

參義翟氏

灝

補郭反据玉

篇欲改𢇛从氏似不知玉篇別有𢇛字矣

萌萌在也釋文云郭武耕反施𠂔朋反字或作蘭元

照案玉篇艸部廣韵耕登兩部皆有蘭字或音莫

耕或音武登皆引爾雅邵氏正義謂蘭省作悶引

文子其政悶悶以證此訓元照案說文

心部

悶从心

門聲又簡簡存也从心簡省聲讀若簡

古限反

音義

與悶迥異

徐新田云養原案簡與悶古音可通

邵氏所引文子非其

證也說文以存訓簡卽本此文後來傳譌从艸誤

以爲从艸悶聲故音亦隨之而變遂謂與萌通用

而不知其必不可通也玉篇心部亦收簡字云或

作蘭又音萌已屬謬無牽合其載簡之別體从萌

下心尤非

惓惓勞也邢疏云小雅巷伯云勞心草草毛傳草草勞心也又陳風月出云勞心惓兮草惓音義同元

照案惓嬰見荀子

正論

楊注云當爲澡纓澡或讀爲

草愼子作草纓也惓草同物於毛詩外又得此證  
皋皋瑁刺素食也釋文於瑁刺兩字之間別出韞  
贊二字各爲之音此二字於經注皆無施頗以滋  
惑盧先生釋文攷證云此郭氏爲經瑁字作音陸  
所見郭注必本有此二字故爲作音元照案晉人  
音義沿漢儒讀若之例多用兩字三字然所用必



成語或方言卽以郭氏爾雅注中之音例之如騃

音兔置

話

音羽 翻 音 繾 綣 莽 音 獐 豬 鯪 音

神

# 鯨音

豐高

魚

鸚音綢繆鵠音髀箭

身

聾音巫覡齏音漏

泄

獸

皆成語也而韞贗二字既非成語復非方言

難以連綴抑且鞞質同音

廣韻二十七紐  
部珣鞞贗同紐

既音爲

韞矣庸復贅以贅字乎愚謂韞乃琄之異文詩

雅小

大韞韞佩璫正从革旁爾雅卽釋此詩也蓋舊本

以詩之韜字作笏注而以贗爲音傳譌入正文或

以其無義徑行芟去故釋文又云本今無此二字

也。○又案謔謔謔謔崇謔慝也釋文於慝字下

原本

當在慝字上

別出煇字爲之作音又云本今無此字案

此亦校者所注之字譌入正文者與朝贊字一例  
盧先生曰詩作煇煇郭注必引此而今本缺之元  
照案郭注自子子孫孫以下皆用韻語意妍妙無  
緣於此獨引詩爲證也

履帝武敏武迹也敏拇也釋文云敏舍人本作畝釋

云古者姜源履天帝之迹於畎畝之中而生后稷

盧先生

文昭

增訂三家詩攷据此增入履帝武畝

一句元照案舍人本敏字未嘗作畝下文拇字乃  
作畝耳据說文畝本作晦晦亦省爲母書序異畝  
同穎史紀魯世家作異母此可證也若如釋文所云  
則此旣曰履帝武畝而以畎畝釋之矣下文敏拇  
之訓復何謂乎知陸氏於此定屬失檢或係傳譌  
失其次耳

釋親夫之女弟爲女妹段先生玉裁云妹當爲叔女

叔見鄭君禮記昏義注彼正義云女叔謂壻之妹  
元照案夫之兄爲兄公故夫之姊爲女公夫之弟

爲叔故夫之妹爲女叔也郭注云今謂之女妹是也正釋古今稱謂之殊若經作女妹而復下此注亦贅甚矣

釋宮所以止扉謂之閼釋文云本亦作閣元照案說

文門部閣所以止扉者从門各聲與雅訓合當定作

閣閣格皆各聲古通用詩小雅斯干約之閣閣鄭氏周

禮注攷工匠人引作格格崔靈恩集注本同廣雅釋詁三閣止也

止扉之物名之曰閣義類相符名之曰閼於義安取乎郭本誤閼故其注引左傳高其閉閼不知閉

閼皆門名

上文衙門謂之閼說文開門也

故可云高止扉之物高

於何有邵氏正義定經注皆作閼字云高其閼閼

今本誤作閼閼左傳釋文云本或作閼是郭氏所

据本也元照案彼釋文云閼獲耕反杜云門也爾

雅云衙門謂之閼是也爾雅又云所以止扉謂之

閼然爾雅本止扉之名或作閼字讀者因改左傳

皆作各音据此則左傳本無作閼字者特出讀者

所改耳左傳釋文未嘗有本或作閼之語盧先生

釋文攷證亦仍邵誤○匡繆正俗

四

有閼閼一條

引爾雅經注皆作閼

釋器瓦豆謂之登釋文云本又作鐙盧氏校葉釋文  
改登爲登鐙爲鐙又公食大夫禮實于鐙注云瓦  
豆謂之鐙釋文云于鐙音登瓦豆也盧本亦改爲  
鐙其攷證云案詩于豆于登不作登據改正元照  
案說文𠂔登上車也从𠂔豆象登車形籀文作𠂔  
从似此登陟之登也又豆簠禮器也从𠂔持罔在  
豆上讀若鐙同此豆登之登也然其字久廢經典  
相承以登代之釋文於生民詩于豆于登不作音

明是登陟之登人所共曉故也釋文之於許書異

同未易枚舉据許書竄改轉失陸氏本真至金旁

加登自來字書所無尤不可改也

錢先生云說文云讀若登公食

大夫禮卽有登字

鄙說說文讀若者皆經典通用字亦一證也段先生云玉裁案詩于豆于登字

本作登段借字也或改爲登最爲惡俗蓋比附說文鼻字爲之而不合篆意登固从豆矣公食大夫

禮及禮記皆作登登爲古今字說文之鼻字不見於經頗可疑釋文石經玉篇廣韵皆無登字郭

云膏登者今之油盞古瓦豆之形也

斛謂之𪔐注云皆古鍬鍤字元照案說文

升部引爾雅

曰斛謂之𪔐古田器也又

缶部

𪔐古田器也郭云古

鍬鋪古之一字本乎說文而變名爲字者乃本之

鄭氏攷工記斬人注云鰈魚字賈疏云字猶名也

困學紀聞二十云以魚名爲字亦奇語也郭亦好奇故偶效之耳釋文

誤解郭注而以鰈爲古鰈字鰈爲古鋪字非也說

文鰈在留部鋪在金部義訓各殊豈得以鰈爲古

鋪字乎且皆之一字又何解也

孫侍御云志祖案此說疑未必然

璆琳玉也注云璆琳美玉名段先生

玉裁云藝文類

聚

八十

引璆美玉也案釋文無琳字之音於後釋

地篇璆琳琅玕始音琳爲林可證此文經注兩琳



字爲衍鄭氏禹貢注璆美玉

大雅韓奕釋文正義引

正用此

訓臧在東云邢疏述郭注云璆卽美玉名知邢本  
尙無琳字元照案石經已有之

釋樂大笙謂之巢說文亦同文選注

十引作謂之簧

元照案說文訓簧爲笙中簧非器名然攷毛詩左

執簧

王風君子陽陽

又竝坐鼓簧傳皆曰簧笙也則爾雅

古本必有作簧者選注所引不可謂誤又案月令  
調竽笙箛簧明列爲四

釋天大歲在甲曰闕逢至在癸曰昭陽小題曰歲陽

大歲在寅曰攝提格至唐虞曰載小題曰歲名自  
石經以後諸本皆同臧在東云史記索隱歷書云爾

雅釋天云歲陽者甲乙丙丁戊己庚辛壬癸十二  
是也歲陰者子丑寅卯辰巳午未申酉戌亥十二  
支是也歲陽在甲云焉逢謂歲干也歲陰在寅云  
攝提格謂歲支也据索隱則小題歲名當作歲陰  
元照案歲名乃載歲也以下之小題非誤也歲陰  
二字當補於在丑曰赤奮若之下其下文月在甲  
曰畢至在癸曰極小題日月陽者以畢極等名依

十干爲稱非十二月之定名也正月爲陬至十二月爲涂小題日月名者以陬如之屬十二月之定名故日月名後人殆因月陽之後繼以月名則疑歲陽之後亦當云歲名習而不察不慮及有脫誤耳又案歲陰二字石經亦無唐人引攝提格等文如一切經音義七十六帖四諸書皆曰歲名則其誤已久邵氏正義於小題歲名下引廣雅以斥索隱以十干爲歲陽之非殊不可解歲陽歲陰皆爾雅本支非小司馬所造因爾雅文繁故綜而舉之云

云 猶曰大歲在干爲歲陽大歲在支爲歲陰耳未  
嘗以十干爲歲陽十二支爲歲陰也何誤之有至  
廣雅以甲乙爲幹寅卯爲枝甲剛乙柔丙剛丁柔  
其說正與雅訓合。邢疏於歲名小題無釋邵氏  
釋之曰別歲在十二辰之名始連歲陰之文而釋  
之古本殆不可復矣

商曰彤錢先生

大昕

云彤字說文囟部無之案舟部

有彤字云船行也从舟彡聲玉篇舟部彤訓祭又  
訓舟行足證彤釋字从舟不从囟元照案唐石經

於从舟之字如朝服膝勝之屬皆作月与月月不  
同此彤字正从月五經文字亦載於舟部玉篇因  
部亦無彤字与說文同其爲流俗傳譌無疑也江  
氏聲尙書人注定作融元照案周頌絲衣箋云周  
曰釋商謂之融正義作彤則鄭本作融又思元賦  
茲据釋文展洩洩以彤彤左傳作融融江氏得之

釋水九河有鉤般釋文云李本作股云水曲如鉤折  
如人股故曰鉤股元照案古盤字皆作般般股形  
近漢碑書般字多作股其字易溷易明夷夷于左

股馬融王肅作左股姚信作右槃亦其類也尙書

正義

禹貢

引李巡云鉤盤言河水曲如鉤屈折如盤

也案盤無屈折之形不得云屈折如盤當以釋文

所引爲正

錢先生云依李本作股亦通胡蘇疊韵鉤股雙聲未見其必爲盤也禹貢正義

所引李巡注或後人依今本爾雅竄易不如陸氏釋文之可信

釋艸茺菟葵蘩菟葵黃菟瓜

耶唯舉此

又蒔菟葵女蘿菟

絲菟葵顙凍諸菟字皆从艸釋文亦不云有作兔

者邱氏

光庭

兼明書

三

云艸菜之號多取鳥獸之

名以爲之如勤鼠尾孟狼尾菟雀弁瓊鳥菴萍馬

芻茭牛蘄菌鹿藿之類其鼠狼雀鳥馬牛鹿等字  
皆不從艸兔亦獸名何獨從艸蓋後人妄加之元  
照案說文艸部兔部皆無菟字五經文字同其云黃兔  
瓜也蒔兔葵也皆不從艸邱說甚當然菟自是兔  
之俗體非因艸名而加艸釋獸釋文云兔字又作  
菟可證也邱於此尙未審

𧈧𧈧釋文云𧈧步角反字林作𧈧元照案說文

瓜部有

𧈧無𧈧云𧈧小瓜也𧈧𧈧也𧈧从交聲讀蒲角切  
大徐疑其非聲案較音覺駁音剝皆交聲也𧈧𧈧

煇皆从高聲而讀火酷切駁从爻聲而讀北角切

雹从包聲而讀蒲角切皆一聲之轉大徐於此致

疑非矣

徐新田云養原案鼎臣在才老前其時古韻之說未興凡說文注中所疑非聲之字

皆疑所不

必疑也篇中又有灼九葉之文灼亦非本字當

依樊光本作駁見釋文

須葑蓂孫叔然云須一名葑蓂郭云未詳元照案說

文

艸部葑須從也詩

邶風

采葑采菲傳云葑須也此

須從之省文爾雅須在葑上文誤倒耳邵氏正義

謂卽下文須薜蘿恐未確



茨蒺藜

案當作疾藜說文藜字注作疾藜然艸部無疾字乃傳刻之謬說文又云藜艸也不云疾

藜明非一物玉篇云藜力脂切疾藜又云藜旅題切蒿類分藜藜爲二無据

注云見詩

釋文云茨或作蒺同元照案鄘風牆有茨小雅楚

楚者茨毛鄭以爲蒺藜皆本雅訓攷茨之本字當

从齊爲藜說文藜疾

兩徐本皆从艸誤

藜也引詩牆有藜

禮記

玉藻

趨以采齊注云齊當爲楚藜之藜則知毛

詩古云皆不作茨許鄭所据者同也次齊音近故

偏旁互通如齋或作𪚩齋或作齋或作齋

皆見說文

齋或作資

儀禮聘禮記問幾月之資注古文資爲齋天官外府財用之幣齋注鄭司農云

老猶蟻之爲蟻

釋蟲。蟻，蟮也。方音  
土。蟻，蟮謂之蟻。

皆經師增益

# 乙字

茲之爲養增益字也與說文養字實非一字說文養艸多兒

然釋文於毛

詩爾雅皆不云有作薺者則此字之廢久矣。○薺

薺實

子味甘齋

此卽谷風其甘如薺之薺

詳邵氏正義

不

知毛鄭何以不釋孔疏亦不引此以申明之

藺牛藺顧千里

廣圻

云詩

小雅我行其野

言采其蓫箋蓫牛

頽也正義云遂牛頽

監本毛本作蘋  
此依宋十行本

此釋草無文

定本作牛薺孔所据爾雅與今本同故曰釋草無

文攷毛詩釋文云牛藺本又作藺則藺藺實係一

字

卷耳釋文云  
隕說文作類

此文誤字灼然可知鄭讀爾雅當

是遂牛藺也類藺古今字耳

葭蘆

句  
莢亂句

其萌藺

句。說文  
無藺字

蒹葭華榮郭氏

句讀如此其注云今江東呼蘆筍爲藺然則藺葦

之類其初生者皆名藺元照案說文

艸部

有夢字云

灌淪从艸夢聲讀若萌夢卽爾雅之萌灌淪卽爾

雅之藺蒹許讀爾雅与郭本異郭本夢旣爲萌又

衍其字乃强分句讀其釋藺字旣無確徵釋蒹字

則云猶敷菡亦華之貌所未聞是其以菡字下屬  
非有所据依亦意爲之說耳邵氏正義云灌淪爲  
艸之萌生者愚謂夢讀若萌義未必同邵欲牽合  
兩家之說恐未當也錢先生云說文讀若之字卽  
經典通用字未可以郭本作  
萌爲誤爾雅灌淪卽說文之灌淪郭乃離而二  
之此爲誤耳邵說確不可易鄙荅問亦与邵合

芍茝茝根郭注分爲兩節別爲之解其釋茝曰藕紹  
緒元照案茝爲牛薺已見於上芻茝之名著於尙

書

鄭注費誓云茝  
乾芻說文同

若茝之爲芍則未有徵也案方

言

三

茝杜根也東齊曰杜或曰茝說文

艸部茝艸根

也茆茆也茆艸根也三字義同相承而下合攷兩  
書知爾雅之茆乃茆之譌茆茆茆根四字爲句轉  
相爲訓如上文笋萁華榮之例。釋文云茆字又  
作藪廣雅云根也元照案廣雅釋艸檣杜藪茆茆株  
相也茆藪之訓同然說文無藪字爾雅本作茆形  
譌爲茆藪又從茆增加非古字也後見臧氏經義  
雜記有此說然  
有微誤釋文攷證載段  
先生說則與鄙說同

攬橐含注云未詳元照案此文在篇末上云茆茆

本作

茆今栞  
正見前

茆根下云華芴也華芴榮也以類相從則

此非艸名明矣以橐含二字推求其義似指花葉之含苞未發者而言故下卽以華苓之文繼之惜未有確徵耳

錢先生云拙著荅問有一條與尊見可參攷

榮而不實者謂之英邵氏正義云郭注山海經引爾雅榮而不實謂之菁蓋據別本也類篇菁草名不實元照案西山經嶓冢之山有草黑華而不實名曰菁蓉注引此文以訓華而不實非訓菁字也草名菁蓉豈得專訓菁而不及蓉乎蓋舊本脫英字下有菁音骨誤連讀耳据類篇則北宋本已脫近

畢氏

沅

校栞本始補之

釋木穫落釋文石經穫皆从木元照案詩

小雅無浸大東

穫薪傳穫艾也箋穫落木名也釋文云鄭落木名

也字則宜从木旁是陸所据爾雅从木故云爾正

義云穫落釋木文以文在釋木故爲木名

陸以落木名爲

句孔以穫落爲句

又觀正義之申明知孔所据从禾

不从木鄭不破穫爲穫知鄭讀爾雅亦从禾不从木也鄭以落木名增成雅訓較郭注爲長

攝虎鼎注云今江東呼爲櫟

句

攝音涉元照案攝音

涉乃郭氏之音附見注中者釋文云攝郭音涉是也雪臆書院本及明人吳元恭郎奎金鍾人傑諸家刻本皆不脫音涉二字而明監本汲古閣本注疏合刻者凡注中之音大半脫落此注音涉二字已刪復疑攝攝連文故獨畱攝字攷邢疏原本竝不誤其疏內述注例皆備錄本文今此疏述注固未嘗連攝字也邵氏正義則承監本之譌而不察矣

械白校釋文云本或作棲元照案說文

木部

有棲無械



爾雅文字當依說文槩正如此字依說文則當从  
安然竊謂此字實當从委何以言之說文無安字

說文有嫵字臣鉉等  
曰唐韵作安非是

糸部綏字从糸从安徐鍇曰

當从爪从安省云从安者誤也案安讀他果切而  
白梭之梭則人佳切安非聲也而說文乃云安聲  
誤矣凡从委之字俗皆作从安如餽作餽接作接  
乃其例也故知說文梭字實梭之譌。古字綏與  
綏通見鄭氏周禮注天官  
夏采說文糸部綏綏竝列頗  
疑綏字爲後人竄入然未敢決姑存此說以俟明

者

梢梢擢

今本从木此据釋文

注云謂木無枝柯梢擢長而殺者

元照案上云木相磨榷又云楷敲謂樹之相切磨

者爲榷謂木皮甲錯者爲敲此云梢擢謂梢爲擢

耳經文未必有兩梢字也艸木蟲鳥之名多有重

文如攝攝

木

蜻蜻

蟲

燕燕秩秩泐泐鷦鷯

鳥

之類

皆是斯固無義可尋此則實非其類且究不知以

梢梢爲句乎抑以梢擢爲句乎故疑經文必有一

衍惜未有確證唯釋文於經文重字未嘗從略獨

此止標一梢字

亦閒有止標一字而正文實有重文者或係傳寫譌脫不可執論

或可爲鄙說一證也

釋蟲蜚蠊蜚注云蜚卽負盤臭蟲杜預解左傳云蜚

負蟊也

隱元年

元照案說文

蟲部

蠹臭蟲負蟊也蠹或

作蜚郭杜之解皆用說文後來爾雅注中蜚字譌

爲蜚邛氏

光庭

兼明書云郭以此蟲一名蜚蠊一

名蜚以春秋證之則郭解誤也邛所据本已爲作

蜚

鄭樵爾雅註困學紀聞六引亦誤蜚

故其論云爾唯左傳疏所引

作蜚邵氏正義据以改正。鍾山札記三云舍人

李巡皆以蜚蠊句蟹句郭注亦與之同或改郭注作蜚卽負盤是因邢疏而誤改耳元照案邵氏括春秋疏改注中蟹字作蜚与邢疏無涉而蟹字之誤其證有二中山經次十瑤碧之山有鳥焉其狀如雉恒食蜚注云蜚負盤也音翡郭注爾雅不應與注山海經異也此其證一也又攷艸木鳥獸蟲魚之名如藿爲山韭茗爲山蔥則曰藿山韭茗山蔥此一例也藿虞爲藜鎬侯爲莎則不曰藜藿虞莎鎬侯而曰藿虞藜鎬侯莎此又一例也郭於藿

虞鎬侯之屬唯經文有明文者如蟋蟀螯螭螭

晨風鶉之類未嘗改讀它如薺虞蓼鎬侯莎說文以薺

虞鎬侯 蚺馬蜩 方言以蚺 蚺蟻蚺 說文以蚺蟻為

為句 同說文蚺作蟻 駑澤虞 方言以駑澤 漢儒皆以上

二字為句郭皆改屬下讀則以經典無明文可徵

故專輒改之今蜚為蠃蟹有春秋可證而蜚蠃之

為蟹則於經無徵也舍人李巡之說郭氏安有遵

之此雖無山海經注春秋正義之證亦可決注中

蟹字之譌矣

蠃蚓豎蚕元照案此非一條當離而二之說文

虫部蠃

蠃也蠃側行者蠃或从引作蚓爾雅以蚓訓蠃非以蠃蚓爲連文而以豎蚕訓之也豎蚕二字不載於說文又不見於他傳記定屬傳譌然其來則已久矣。○蚕釋文音他典反玉篇廣韵俱有其字自唐以來蠃之俗體亦作蚕

廣韵蠃字注云俗作蚕佩觿序云蚯蚓之蚕

爲蠃

陸氏新義云蚕老而後眠竟以蠃訓蚕已爲甚

繆然猶未改經字至明注疏監本汲古閣本竟改經文爲豎蠃矣

蟠鼠負釋文云本亦作蟪又作婦亦作婦陶注本草

云多在鼠坎鼠背負之今作婦字則似乖理元照

案說文虫部蟠鼠婦也又鼠部鼯鼠婦也玉篇蟠鼠婦

蟲玉篇又有婦字云鼠婦也此後人竄入東云玉篇通書中此類甚多唯九能能分別觀

之則作婦為正婦古作負史記有武負高帝許負

絳侯皆婦字也如淳漢書注云俗謂老大母為阿

負師古引列女傳魏曲沃負證之此通用之證也

蟪婦皆俗字陶氏之說亦非命名本義本草一名

負蟠又何解也陸氏据此辯別字體失之俗矣

釋魚鰾小魚釋文云郭音繩顧音孕本或作鯢同元

照案玉篇

子部

孕古文作𩺰又

肉部

𩺰或孕說文有孕

無𩺰𩺰字从𩺰𩺰魚同類蓋因小魚增益此字後  
人以其屬於魚也故又加魚旁𩺰鯢皆俗書也說  
文爾雅本不盡同玉篇之𩺰其原殆出於雅○廣  
韻梗部有𩺰字与猛同紐云蛙屬案此卽𩺰字增加  
魚旁与小魚之𩺰似同實異均之爲俗書也

蝓蛭注云未詳元照案蝓蛭之下卽係以鼃鼃詹諸

鼃鼃釋文石經作鼃鼃  
今据說文改正辯見下

竊疑蛭字衍文蝓當作蝓





禹云濟中詹諸鄭氏注詹諸鼃鼃也据盧本据此則

鼃鼃實一字當定作鼃鼃戴氏震毛鄭詩攷正謂

說文誤并鼃鼃爲一殊未審矣戴又云鼃鼃之鼃說文但用先戴蓋

据鼃字注中先鼃而字而不覺其誤也案說文先

在中部云菌先地鼃叢生田中从中六聲未嘗以

先爲詹。鼃从先聲釋文石經皆从去釋文音起

諸也。據反廣韵收入去聲九御部与坎去麤吐肱屋賣

等从去之字同紐蓋字誤而音亦隨之誤也鼃讀

如戚故毛詩作戚

騰騰蛇釋文於上騰字音直錦反云字又作朕下音

徒登反云字又作騰又作蠡俗字竝同石經上字作

騰宋本鄭樵注作璧小異元照案騰从虫朕聲朕本作𧈧說文

舟部隸變作朕或作朕字書未有別騰騰為二字者

石經二字雖作兩形不足泐攷也藝文類聚九十

引爾雅作騰騰蛇此得其正後來傳譌二字皆作

騰釋文異其音而不桀正下騰字之誤已失之疎

盧先生校桀釋文依石經改上騰字為騰亦未為

得也趙雱門云春沂案史記龜策列傳騰蛇之神

集解引郭璞曰騰蛇龍屬也知郭本本作騰矣○又案騰古文作騰見儀禮燕禮注騰騰形近致譌

釋鳥隹其鳩鳩釋文云隹旁或加鳥非也元照案說

文鳥部隹祝鳩也从鳥隹聲据樊光注則夫不卽祝

鳩也作隹爲正又說文隹部隹鳥之短尾總名也此

作隹者隹省文耳豈得以隹爲誤乎○又案說文

曰隹此曰隹其者長言短言之別如爾雅之鵯說

文爲鵯胡桃蟲名鵯說文云鵯鵯鵯名鵯說文云

鵯鵯之類皆此例

與鵯鵯注云未詳釋文云與樊孫本作鵯元照案卑

居名鵯鵯亦名鵯疑鵯鵯卽卑居也如釋艸有

澤鳥穰又有澤鳥殯殯卽穰也釋蟲有蝎蛄蠃又  
有蝎桑蠹實一物也此篇有鷄鳩寇雉又有寇雉  
泆泆亦一鳥也前後複見与此正同自石經誤爲  
車輿字陸氏新義附會其說云輿載也近本盡沿  
其誤未有知鷄鷄之卽卑居者矣玉篇鳥部廣韻清部  
引皆作鷄

鷄山鵲元照案說文隹部鷄鳥部鷄也又鳥部鷄鷄山鵲知來

事鳥也淮南子記論乾鵲知來高誘注乾鵲鵲也儀

禮注大射儀引淮南作鷄鵲廣雅釋雅兼明書引鷄

也乾韡皆从韡聲韡干音近鵠鵠音亦近韡鵠之

与鵠鵠實一鳥也又案鄭氏禮注

周禮天官司裘儀禮大射儀

皆云鵠之言較較者直也案詩有覺德行緇衣引之作楷楷覺之通与鵠鵠一例是以爾雅有鵠無

鵠也

邵氏正義說亦同嫌未詳悉又引淮南有鵠字故聊出之

○說文鵠字注

云鵠鵠也毛詩

小雅賓之初筵

釋文云鵠鵠也說文云卽

鵠也据釋文所引者知說文之義亦同今本鵠鵠

殆非

臧在東云鏞堂案當如詩釋文所引鵠鵠也與爾雅韡鵠山鵠正印合今本作鵠鵠也必

係後人竄改正因古人屢言鵠鵠遂据以易許書矣

齧齒艾注云未詳元照案鳥名如竊脂剖葦鋪叔咏

木之類皆因其性而為之名此或有鳥喜齧艾者

故以齧艾名之鳥名不著者闕文也齒即齧之下

體誤分為二耳鳥名齧艾猶蟲之名齧桑蟻齧桑見釋蟲

臧在東

云精極

賀鵠母鄭氏注儀禮公食大夫禮作如無母毛本毋注禮

記月作母無毛本作鵠母元照案牟無一聲之轉

而母字舍人本作無李巡亦音無鄭氏兩注互異

皆不誤也禮記正義說之甚詳臧在東云鏞堂案公食大夫注作無

母者誤倒也當依月令注  
作母無牟母一聲之轉

○据說文則鴛當从奴

作鴛与牟母之音相近

倉庚商庚注云卽鴛黃也又鴛黃楚雀注云卽倉庚  
也又倉庚鴛黃也注云其色鴛黑而黃因以名云

元照案說文

隹部

離黃倉庚也鳴則蠶生从隹離聲

糝糝黃也从隹黎聲一曰楚雀也其色黎黑而黃  
据說文則倉庚楚雀實是二鳥然自來說者皆以  
爲一鳥而異名故釋文一例作鴛遂無分別又案

高誘注呂覽

仲春紀

淮南

時則

皆曰爾雅曰商庚黎黃



楚雀也是漢儒此訓亦不盡與許同。五經文字

隹部 隹 隹 隹 黃也爾雅作鵲又火部 鵲 鵲 也見爾雅元照

案石經於鵲黃楚雀作鵲倉庚鵲黃作鵲較釋文  
爲得之

釋獸彪白虎釋文云彪字林下甘反又𠂔狄反元照

案說文虎部 彪 彪 白虎也从虎省聲讀若鼎則𠂔狄

反自是正音字林譌而爲彪故音下甘反从甘聲  
也从甘不得讀𠂔狄反矣釋文載其音而不詳攷  
其字體疎矣說文繫傳云彪今人皆音酣唯隋曹

憲作廣雅音云音覓

錢先生云依字林音則當从甘依又一音則當从日陸氏

兼收兩音而不辨其文之異又如左傳文十一年錫允哀十二年戈錫釋文竝音羊又星歷反上音當从易下音當从易陸亦不能辨也此類頗多

𧢲子隸釋文云眾家作肆又作肆

肆即肆之正體

舍人本作

隸又肆修豪釋文云本又作肆亦作肆元照案此

數字展轉通借知其實一字也攷說文豸部無隸

肆二文

玉篇廣韵有隸無肆

唯帑部云帑脩豪獸玉篇云帑

𧢲子也脩豪獸也則此二文宜皆作帑其作肆者

假借字也說文

長

肆或从𧢲作𧢲案說文之訓𧢲

云長髮焱焱也鬣卽隸字从髟与脩豪之義尤合

此假借之最近古者

玉篇本不盡從說文又爲孫強重定今本并非孫本卽如

彘字下旣云狸子也脩豪獸也而又○彘部有彘

字从二彘堯典肆類于帝帝孔壁古文作彘見說

文

契綸類編釋文云契字亦作𢇛或作𢇛元照案說文

豸犬穴三部皆無从契之字此當从人作𢇛𢇛之

古文爲𢇛

見米部竊字注

高辛之字名𢇛見說文而史記

司馬相如傳

漢書

古今人表

皆作𢇛說文

𢇛部

云𢇛蟲也从𢇛

象形讀與𠂔同古文作𠂔据此則當作𠂔𧢲無疑

其訓𠂔曰蟲者古人之謂獸爲蟲也淮南覽冥狡蟲

死高誘注蟲狩也狩古通獸可證豸部𧢲字注中𠂔字

繫傳本作𠂔大徐本作𠂔皆係傳譌犬部新附有

𠂔字徐新田云養原案稷𠂔之𠂔可作𠂔𠂔𧢲之

𠂔古文𠂔又曰𠂔讀與𠂔同

釋畜小領盜驪郭注引穆天子傳而不釋盜字之義

蓋不可得而詳矣說文繫傳訓盜爲淺馬部驪下其說

無徵揣徐意因郭氏曾訓竊爲淺竊盜一類字可

以移用不知竊之訓淺義存乎聲此漢儒之舊詁

郭亦本之說文也盜之與淺更無關合元照初校

繫傳曾辨其說之非

臧在東云繫傳本說文勝於鼎臣本若小徐所自言殆一

無足取者其引書亦不足準也

繼見邵氏正義引史記索隱秦本紀

所引劉伯莊音義則與徐說同似徐說本之於劉

又以毛晉單刻本索隱校之則曰劉氏音義云盜

驪駒驪也駒淺黃色入駿既因色得名駒驪爲得

之也其文與邵所引異邵所據蓋明刻三家本毛

刻出單行宋本當得其真然就使邵所引者不誤

盜之訓淺終不可憑郭氏不爲之說闕疑可也○

荀子

性惡

纖離綠耳古之良馬楊倞注纖離卽列子

盜驪也元照案纖小義同離驪音近

四蹄皆白首初學紀

廿九

藝文類聚

九十

引及石經皆

作首釋文無音知亦作首元照舊藏雪牕書院校

栞本作駟邵氏正義定作前云案玉篇云駟四蹄

白廣韵云駟四蹄皆白也是爾雅舊本作前後人

增加馬旁又因形涉誤爲首也徐新田

養原

云初

學記藝文類聚皆唐初之書玉篇廣韵則宋初重

定殆未可援此以改字也攷此文之下卽繼以前足皆白驤或誤以前字屬上句併譌爲駟耳夫駟字旣非說文所有若作前則与首同類安見前之是而首之非乎

釋草有蔀蔀蔕釋木又見釋蟲有密肌繫英釋鳥又

見郭注皆疑其重出元照案艸木蟲鳥之同名者

多矣莪羅艸也蜚羅蟲也蟲之翰鳥之翰皆名天

雞

皆見爾雅

茅苜馬舄艸木同名

艸見爾雅木見逸周書說文

皆此

類也又如艸名果羸

釋艸

蟲亦名果羸

釋蟲又見毛詩

鳥亦

名果羸廣雅艸名蘆肥蟲亦名蘆蜚艸名虬蛭蟲亦

名虬蛭艸名天薺身亦名天鵲艸名蒺藜蟲亦名

蒺藜木名時獸亦名時槐為守宮榮原亦名守宮

皆見爾雅蠨蛸名蒲盧中蜃庸亦名蒲盧國語夏小蟲

名精列攷工記注身亦名精列說文身名鵲鵲說文馬亦

名肅爽左傳艸名射干荀子大戴廣雅獸亦名射干子虛賦又

如牛之黑脣者白馬之黑脣者皆名惇釋畜白馬黑脣驗孫

本作惇見釋文雉羊雞之絕有力者皆名奮兔牛絕有力

者皆名欣亦此類也不得疑其重出○正義云釋



文引舍人本莖著作抵都樊光本著作屠是舍人  
樊光俱不以爲重出之名